

A *rubá*

A *ntaño*

RECUERDO DI ANTES



• E soledad mas penoso ta ora cu bo no tin ni un recuerdo di pasado, ora cu bo no conoce nada di bo lugar (unda bo lombrishi ta dera) pa forma un combersacion, cu ta e rato pa lubida tur problema cu por tin.

Den tempo di Aruba Antaño a existi diferente di e costumbre nan, cu e tempo moderno a bini cu su payasada yanki, o su expresionnan copia for di otro cu no ta su suelo.

Hopi ta e costumbre di Aruba Antaño a mira cambio sin cu e generacion por a hereda e tesoro no di plata ni di oro cu a keda pa ser hereda. Cu razon nos tin di bisa cu bo no por stima loke bo no conoce bon. Historia di bo país, di su bida, di su mal tempo y bon tempo, mester ser inculca den tur e generacionnan, di esnan cu a bay pa pasa pa esnan cu a bini.

No tin deramento di lombrishi mas. Pero si tin lugarnan den diferente parti di Aruba cu tin su tiki of su hopi historia. Ohala cu nos por conoce tur pa compartie cu nos lectornan, pero nos no por keda sin comparti loke nos sa pa cu asina nan no bay perdi manera huma den aire, y keda sin sigui su rumbo di conocimiento y historia.

Awe nos kier ilustra un foto tuma añanan atras di Arashi, cu awe a bira un parti residencial di lo mas bunita, cu un playa pa local y turistas tuma nan banjo di solo y fresca nan curpa hunto cu e muchanan den e dushi lamar, cu no ta di e hundo ey.

Observando Arashi for di den e toren di faro, den tempo di servicio militar. E tabata manera un sitio na sonjo, cu su laman keto y seco, casnan pa kreef na cantidad, y un tristo visto riba Antillas e vapor aleman cu e capitan a pega na candela y cu nunca por a saca afor si e tabata of no ta un asina yama "observation ship" di e alemanan.

Entre Arashi y Westpunt (faro cu cas di e cuidador) primeramente tabata e intencion pa construi nos aeropuerto ey nan. E prome cas cu casi nos por bisa a habri caminda pa tanto Mr. Tucker (q.e.p.d.) cu a sigui contrui su hogar na Aruba, y cu demas a cuminsa yena Malmok. Y e prome cas tabata di nos amigo John Merryweather, unda hopi a bisa "ta ken ta bay traha un cas eynan" y awe ta desea si nan por haya y tin e manera pa traha uno eynan.

Hopi cos a tuma lugar, promer cu Odis Mingun un di presidente di Lago a inaugura e Lloyd G. Smith Blvd y unda a keda elimina e schietbaan di e schutterij di Savaneta Kamp.

Te aki, aunke cu tin hopi mas, y hopi lugar mas cu atraves di nos columna Aruba Antaño lo bini pa cu nos juventud mayan por papia y stima su suelo mucho mas.